



三T有多寶 頭關玩辣佢

今期三T有多寶，而且有兩場係泥地，睇嚟都要爆一爆！第五場第四班泥地1200米，「越野大師」近排沉沉咗，「運來勇士」贏完加磅，呢兩隻馬大膽放棄。投注策略搵「辣得準」做膽，呢隻馬試過好多次泥閘，母系又有美國血統支持，換巴度排12檔，隨時唔聲唔聲、嚇你一驚！同場「荷花之星」贏過泥地，用黃智弘減7磅兼排2檔，騎師啱啱幫成哥爆咗「有派頭」，隨時食過返尋味！

第六場第四班草地1400米，呢關亂過亂世佳人，都係複式穩陣。「紫荊歡呼」連續四場雙位數名次，應該嚇走晒班客仔，今次落返四班，今季同班兩場一冠一亞，換返贏馬功臣布文，點可以唔要。三隻寶新馬「金將」、「龍文鞭影」同「貓山王」趁未走光，一於執晒佢落去。第七場第三班泥地1200米，「自強不息」用黃寶妮減磅，係文家良出手手法。大冷腳留意試泥閘有走勢嘅「海洋帝君」。

三T提供(240注)		
第五場	第六場	第七場
⑥ 辣得準	① 紫荊歡呼	① 自強不息
④ 荷花之星	② 準輝煌	② 晶晶日上
⑤ 譽友駿駒	⑥ 金將	⑤ 德心知遇
⑦ 贏得自然	⑦ 龍文鞭影	⑦ 智跑得
⑧ 超加加	⑩ 貓山王	⑨ 海洋帝君
⑩ 星火燎原		
2膽4腳	5隻複式	1膽4腳

紅字為馬膽

最佳冷馬 關鍵所在



沈集成馬房禮拜日陣容幾勁，其中第二場「關鍵所在」小心放冷箭。呢隻馬父系「登廣告」係香港完全冇子嗣，反而母系SQUASH嘅邊有第三代成員「夢幻飛駒」係香港贏過四場1400米。睇返「關鍵所在」在港跑六場輪晒，不過總場次225同316場都輸唔遠，戰鬥力絕對唔差。

今次「關鍵所在」賽前試閘省落有反應，由於本身有賽績支持，初落四班換班德禮，兼且排3檔靚位，話唔定可以打入三甲甚至贏埋，一於整注WP。



●「關鍵所在」曾於賽事中跑得接近，今次初降四班，提防突如其來。
圖：HKJC

冷門WP	
第二場	① 關鍵所在

壯志凌雲 隨時變身



今期六寶獎有多寶，講穩陣第八場「魔術控制」上次留後贏得精彩，今次贏面應該幾高，第十場「常拼常勇」八歲馬老而彌堅，呢兩關揀一隻搞掂，節省本錢。

「膨才」不穩要補「龍之光」

反而第九場「膨才」雖然質素誇啦啦，不過今次換人、加磅、增程三大不利因素，所以要多兩隻「穿甲戰鷹」同「龍之光」希望守住呢關。第十一場「壯志凌雲」上場雖然跑包尾，但今次換人排1檔，冷冷咗唔好放過，呢場熱門要番「神馳」同「皇仁歡星」。

六環彩(81注) 三寶(9注)		
第六場	第七場	第八場
① 紫荊歡呼	① 自強不息	③ 魔術控制
⑦ 龍文鞭影	② 晶晶日上	
⑩ 貓山王	⑨ 海洋帝君	
第九場	第十場	第十一場
① 膨才	④ 常拼常勇	② 壯志凌雲
⑨ 龍之光		⑥ 神馳
⑪ 穿甲戰鷹		⑧ 皇仁歡星

頭場靚馬 帝豪歡星



今期混合過關投注3×4合共52注，希望中晒三關搵到食！頭關揀頭場Q同QP，「帝豪歡星」轉倉後跑四場未用過前四名，已經成為游達榮低班招牌馬，同場對手上場全部唔入前三名，巴度唔放手兼跑法主動，應該穩陣過巴黎鐵塔。「萬事靚」前仗希威森跑得好肉酸，上次換賀銘年似乎想過一過冷河，今次用巫顯東排1檔，實有鬥志。

第三場「駿河灣」在港只係跑過三場輪晒，暑假轉去廖康銘馬房，兼減到60分落四班，今季初出跑Fresh縮程，有錢分咪走寶。

「閃光燈」初出熱一熱身，上場換班德禮即刻變身，丁仔要搶分護級，實力馬趁再再用。不明物體「天星」試閘好搶鏡，有權掃晒。

「南莊堡」有手影捉

第四場「南莊堡」表面睇有賽績支持，可能純粹熱身，初落四班即換布文，似乎係郁手先兆。「一生好彩」連續兩場1400米追得好勁，今次增程跑1600米，排10檔好好追，一於買Q同QP。



●「帝豪歡星」幫游達榮省睇招牌。
圖：HKJC

混合過關3×4(52注)		
第一場 QQP	第三場 QQP	第四場 QQP
⑩ 帝豪歡星	① 駿河灣	① 南莊堡
⑫ 萬事靚	② 閃光燈	⑤ 一生好彩
	④ 天星	

3月23打吡大賽 古巨基揭幕展歌藝



一年一度馬壇盛事「寶馬香港打吡大賽」將於本月23日在沙田馬場舉行，香港賽馬會日前公布了當日部分活動細節，除了活動大使「宇宙最強」甄子丹會到場見證打吡盟主誕生，「古Sir」古巨基更會到臨擔任開幕表演嘉賓，大展歌喉為活動揭開序幕！

自2013年起便出任「打吡大使」的甄子丹，十多年來見證了無數光輝時刻，每匹打吡冠軍良駒的精彩演出，就好比他在電影中以靈活身手功夫造出最完美動作一樣，震撼馬壇。「宇宙最強」也指出，每年三月打吡大賽的來臨，都會讓他提醒自己要「專注」、「決心」與「堅持」。

藉表演吸引年輕人

另邊廂，古巨基則是繼2009及2016年後，再次到臨馬場參與表演。「古Sir」出色歌藝一直是香港人的驕傲，對於今次參與打吡大賽的表演，他期待着說：「希望可以藉着今次表演推動賽馬旅遊，吸引更多年輕內地及海外朋友進場觀賞表現，並感受香港賽馬的熱鬧及刺激氣氛。」



●古巨基歌藝將會震撼馬場。資料圖片

●甄子丹最合「打吡大使」形象。

C欄千六米三檔勝率高 奔放擅放送大「禮」



大力

正所謂數據唔呃人，大力度馬從來最信數據，其中一樣覺得最夠可靠，肯定是檔位的統計，明日沙田日馬的草戰跑C欄，其中1600米有項數據非常吸引（見表），排3檔的勝出率高達19%，是今日最高；細看今日兩場此路程的3檔馬，尾場的「奔放」隨時有計。

根據統計，今季田草C欄1600米，合共作賽廿多場，其中排3檔錄得27戰5冠1亞2季，勝出率高達19%，近乎每5隻便有1隻跑出，而上名率則有近三成。尾場「奔放」是在去年暑假到港，至今

出賽三場雖然只得一季，但頭兩場敗陣亦是所負不遠，到上月中出戰田草千八，在班德禮胯下突然改為放頭跑，最終跑得冷P，幾乎放到，展現上佳潛力；今場告東尼安排「奔放」換回鍾易禮，有3磅減，出閘若埋到欄，放順走甩帶到尾絕不出奇。

1200一檔上名近五成

另外要留意的C欄數據，是1200米1檔的上名率竟然高達46%，又是今日最高上名率的路程檔位，幾乎每2匹便有1匹入位。今日三場田草1200賽事，二場的「關鍵所在」與八場的「賢者無敵」都有一定實力，加上靚檔都值得期待。

田草C跑道1600米檔位統計								
檔位	出賽	冠	亞	季	殿	勝出率	入Q率	上名率
1	28	4	2	3	2	14%	21%	32%
2	28	2	1	3	3	7%	11%	21%
3	27	5	1	2	1	19%	22%	30%
4	28	1	4	3	3	4%	18%	29%
5	28	4	0	2	3	14%	14%	21%
6	28	0	1	2	3	0%	4%	11%
7	28	2	3	2	2	7%	18%	25%
8	27	2	2	2	1	7%	15%	22%
9	27	2	0	2	1	7%	7%	15%
10	27	1	1	4	4	4%	7%	22%
11	25	2	2	1	0	8%	16%	20%
12	24	1	5	1	0	4%	25%	29%
13	23	1	2	0	4	4%	13%	13%
14	22	1	4	1	1	5%	23%	27%

從「球星」想到「星球」



今季經典盃由艾道拿執韁的「球星」勝出，見到這位澳洲好手近日神勇表現，不禁令我想起我們的7屆冠軍騎師潘頓，還記得2022年的經典盃潘頓策騎「加州星球」取勝。自潘頓養傷期間，艾道拿得到潘頓大量的坐騎，例如潘頓試過兩課間的「安可」，以及其騎開的「競駿輝煌」等等。大家都是澳洲騎師，艾道拿現時只是34歲，只要保持好近期的穩定表現，說不定可以成為潘頓的接班人。



●「加州星球」寫下不少經典。
圖：HKJC



純種馬會出現灰馬，主要是由於灰色基因(G基因)的遺傳影響。這是一種顯性基因，會隨着馬的年齡增長使毛髮逐漸變灰。即使父母不是灰馬，如果其中一方或兩方攜帶灰色基因，後代也可能是灰馬。灰馬在純種馬中佔的比例較低，大約只有1%到3%的純種馬會是灰色的。在香港史上成就最高的灰馬應該是上世紀八十年代的馬王「及時而出」，以及近代長途馬王「加州萬里」。



●「加州萬里」成就驕人。
圖：HKJC